

畿輔通志卷一百九十

錄八 宦績八

國朝二

范燦 大興縣知縣

單煊 宛平縣知縣

夏益進 良鄉縣知縣

王哲輔 固安縣知縣

蘭第錫

李績 以上永清縣知縣

李大章 東安縣知縣

陶宏才 東安縣典史

呂起渭 香河縣知縣

靳讓

許毓芳

高天鳳

李宣範

陳壽昌 以上通州知州

成王臣

彭鵬 以上三河縣知縣

鄧欽楨

胡紹安

趙日瑛

陳惕

朱杰

劉體仁

呂詒安

胡啟文 以上武清縣知縣

伍澤榮

吳槃 以上寶坻縣知縣

關廷牧

劉克邁 以上甯河縣知縣

林繼篁 甯河縣典史

汪錫齡 昌平州知州

陶熺順義縣知縣

陸騰駿

王瀾上富雲縣知縣

曾成龍懷柔縣知縣

楊瑜顯

李勲

劉德宏

楊秘

倪岱

彭人僕

黃理中

許自召

張德榮

吳山鳳

趙庭椿

張和涿州知州

方嶠涿州同州

佟有年

彭萼來

張世法房山縣知縣

祖延泰

姬均霸州知州

方典霸州判

秦世正

郝詔

韓文

崔啟元

張朝琮

許天馥

劉寶楠

程繩武

劉廷瑗上文安縣知縣

孫光祚

陸光旭

何訥保定縣知縣

于際清

胡國佐

董廷恩

潘永圖

王若常

趙錫蒲

以上燕州知州

牟雲龍

賈文龍

朱以升

以上平谷縣知縣

胡延年

武國樞

朱一蜚

以上保定府知府

王雉鼎

常大忠

宋基

蔣元縉

以上保定府同知

郭廷郭

清苑縣知縣

馬上及

余允光

湯愛鼎

裴國楨

朱元春

張煥

禹祥年

孫緒祖

以上滿城縣知縣

宋念祖

鄧元瑛

以上安肅縣知縣

張藩

白尙登

王德新

鄒珥

張其珍

梁燦

劉致中

陳思讓

梁寶書

以上定興縣知縣

閻興邦

易尙升

申允恭

胡永湛

周良卿

以上新城縣知縣

王政

鄭昱

張國柱

以上唐縣知縣

高捷

鄭瑛

遲曰豫

柯榮

張志尹

郭堯都

羅士吉

趙用熙

何長敦

趙日曠

傅漢 以上博野縣知縣

陳自德

錢振龍

李天機

蔣國正

沈景張

陳士全

劉體中

以上望都縣知縣

江起元

趙士麟

程愨

張熙麟 以上容城縣知縣

朱宏憲 陳燕明

趙燮

朱懋德

唐綏 以上完縣知縣

賈滄

單務嘉

劉文燦



畢忠告

高蔭爵 兄承爵

楊石渠

尹名選

以上蠡縣知縣

戚崇進

姚文燮

凌松林

以上雄縣知縣

胡源

祁州知州

劉崑

孟文升

王天慶

陳文合

李文耀

蔡廷斗

李夢蓮

夏獻烈

以上束鹿縣知縣

俞鳳

束鹿縣丞

劉嘉註

卜光煜

丁銑

楊景彬

張恩煦

以上高陽縣知縣

夏熙

熱河巡檢

覺羅嵩阿禮

平泉知州

馮如京

李日芄

李中楮

路遜

陳丹

唐敬一

常文魁

梁世勳

蔡維寅

華黃

謝賜履

以上永平府知府

彭爾年

永平府同知

劉觀瀾

夏時美 以上山海關通判

尤侗 承平府推官

梁應元

趙汲

李士模

閔峻

魏師段

衛立鼎

陸懋

陳夢熊

晏賓

萬承芬

屈成霖 以上盧龍縣知縣

楊鳴

王永命

張一諤

張夢蓉 以上遷安縣知縣

張毓中

劉馨

趙端

孫士賢

裘君弢

程大禧 以上撫寧縣知縣

王曰翼

陳邦齊

李象井

梁肇文

曾豫謙

曾世儀 以上昌黎縣知縣

鄭伸

馬如龍

韓逢麻

莫暮

吳士鴻 以上灤州知州

黃珽 灤州吏目

金星瑞

聶因培

余昌祖 以上樂亭縣知縣

蕭德宣

臨榆縣知縣

徐可先

張燦 以上河間府知府

朱光鎮

河間府同知

劉果

方嶠

鍾翰

何蘭馨

朱溥 以上河間縣知縣

劉徵廉

喬國棟

程材傳 明晟

楊文彩

吳龍見

熊存瀚 以上獻縣知縣

王焯

李華國

陸福宜

楊嗣奇

以上阜城縣知縣

童銘彝

阜城縣典史

胡雲鵬

黃世發

歐陽維藩

周傳昌 以上肅甯縣知縣

徐澗

劉日光

錢孫振

劉統

以上任邱縣知縣

班連

墻鼎

嚴會業

孔慶鈺

以上交河縣知縣

陳大經

周命育

曹瑾

董瀾

查宗仁

以上甯津縣知縣

張一魁

周鉞

王安仁

以上景州知州

杜于藩

王書升

以上吳橋縣知縣

鄭永春

王九鼎

孫震

白為璣

以上東光縣知縣

李允楨

蔡維儀

朱晉麟

翟萼雲

張學權

以上故城縣知縣

國朝

范燦字電文雍正二年進士知大興縣事縣民阿貴者最恣

橫一日方理堂事突人攫人燦曰鼠輩敢爾縣令尙可爲哉

卽閉署扉捕之鞠其奸狀境內肅然縣有隱糧一案燦白京

兆發之藩司不悅欲中以他事在廷有白其寃者特擢河南

鄧州知州

陸燿撰神道碑

單煇字曜靈山東高密進士宰宛平邑多奸猾吏莫能詰其首尾案山積不可理煇首杖蠹吏清獄之淹滯者期年政舉藩司欲加煤課檄督甚急煇以煤產衰旺不常一定爲例則百姓受害無窮力爭之乃寢乾隆二十七年近畿大水請賑於上官甚力大宛得不饑旋以憂歸

韓夢周撰墓表

夏益進字雲峯湖南武岡人以貲授靜海主簿歷大城縣丞善捕緝每獲盜輒與之飲食能以情句稽其黨與出入以故所獲獨多累遷井陘良鄉知縣時川楚用兵軍書絡繹益進晝駐驛舍夜治官書縣無廢事補德平縣去

湖南通志

王哲輔浙江進士乾隆初宰固安有廉名治獄無留牘時攜

一馬一僕訪民間利弊遇盜案善於句稽闔境肅然

固安縣志

蘭第錫山西吉州人乾隆十五年舉人二十七年知永清縣

連歲水災第錫牒請加賑又自爲粥於路食餓者萬千人癸  
未蝗入境躬率士民撲之蝗盡去有劇盜蔓延剽掠第錫聽  
訟偶詰得其從徒具知聚落卽夜發吏卒撲之賊負嶠相抗  
衆畏蕙莫敢先第錫奮臂入其巢衆湧繼之盜悉就縛邑民  
多賃種旗地狡者時以擾民第錫懲其豪猾四境帖然三十  
年擢大興知縣

永清縣志

李纘字王緒江南常熟人官永清知縣旗人耕占民田事久  
不決纘按畝丈量復民田一萬數千餘畝擢昌平知州遷北  
路同知纘嘗遵厲疾民相率禱於神者數千人疾果愈旋調

河間以老乞歸

採訪冊

李大章江南丹徒廕貢康熙十四年知東安縣刊邑志繕城

池緝逃亡嚴保甲寬仁端潔有古循吏風

東安縣志

陶宏才會稽人爲東安縣典史順治五年妖賊劉東坡寇東

安時知縣以事赴保定宏才即率兵三百餘出城奮擊斬獲

甚衆再戰爲賊所執猶奪刀殺數賊自到死

大清一統志

呂起渭字東海遼東人順治元年知香河縣時四境盜賊蜂

起起渭躬督兵民相機勦捕地方獲安官至廣平府同知河

縣志

靳讓字伯遜河南尉氏進士康熙四十年知通州通號繁劇

疑獄累案贖讓剖決如流殫心教養募年州大治擢廣西提

學僉事

河南通志

許毓芳字尹吉江蘇宜興人副貢生知任邱縣巡撫李光地

薦其政績擢邠州康熙四十二年改通州築隄百二十里以

捍水患覈旗莊之占民產者人頌其德

江南通志

高天鳳字吾莊江蘇長洲人乾隆四十三年知通州爲政務  
順民情不事煩擾折獄除奸無少徇州當孔道苦差徭捐備  
官車以應雜役民稱便葺學宮修州志繕常平倉修葉烈婦  
祠置辦試院桌橈實心實政以次舉行士民德之採訪冊  
李宣範字萼村安徽歙縣人道光十八年知通州除暴安良  
案無留牘捐廉修

文廟備祭器新閭忠烈公及葉烈婦祠墓靡廢不舉擢江蘇松

江府知府去

同上

陳壽昌字汀蘭江西南城人道光辛巳舉人歷知雄縣阜城  
密雲長垣廣宗等縣大計卓異陞通州知州剔積弊除蠹胥  
有明幹稱緝獲巨盜黃二張三等置之法地方獲安南城縣志

成王臣河內人康熙二年知三河縣在職三年不遣一吏訟



者令其自拘至卽訊決民大悅服

大清一統志

彭鵬字奮斯福建古田人順治十七年舉人康熙十三年逆藩耿精忠叛逼受偽職乃卻粒飲水椎齒出血堅卧三年不起逆平授三河知縣邑地瘠當要衝旗民雜處國朝先正事畧鵬至除火耗革陋規嚴保甲減驛累平冤獄建黌宮設義學實心任事不畏強禦

衙前放鷹者至縣使來索餼牽鬻於庭鞭之

道古堂集有中夜矯傳

丙旨者鵬察其詐延與語陰遣人發其橐具得奸狀寘之法每治獄發摘如神吏民不敢欺鄰邑疑獄不能決憲司檄彭鵬往輒白其寃二十七年冬

聖祖東巡駐蹕三河

召問鵬不從耿逆及在籍在官狀

賜帑金三百兩

諭曰爾居官清正不受民錢以此養爾廉勝民間銀數萬兩多矣明年順天府尹許三禮劾鵬謙獄遲玩

詔巡撫于成龍察核白其枉部議落職

詔降二級留任尋以盜案併降三級皆得

旨留任又明年

詔舉天下廉能官尙書李天馥首以鵬薦與嘉定令陸隴其並行取請假歸葬卽家授給事中累官至廣東巡撫卒於官

聖祖嘗諭閣臣曰彭鵬前任三河時但聞有賊卽帶刀乘馬往擒治毫無畏懼朕深知之遺疏入有實心供職克盡勤勞之褒

畧

國朝  
先正事

鄧欽楨廣西全州舉人康熙十年知武清縣緩徵均徭人和

訟息蝗蝻生欽楨步禱壇墮起境不爲災捐俸修聚奎樓

文風蔚起因盜案呈誤解任宦橐蕭然

武清縣志

胡紹安浙江平湖縣進士康熙四十六年知武清縣爲政寬  
惠絕苞苴撫流離修學宮息爭訟詳陳剝船擾累建八蜡廟  
卓有循聲康熙四十七年入名宦祠

趙日瑛山西文水縣進士雍正四年知武清縣清正愛民念  
武邑錢糧款項繁多分差擾累編查三載分爲戶南戶北戶  
中三房每房管數十村設立滾單逐戶挨推至今稱便

陳惕浙江山陰縣監生乾隆元年知武清縣在任三年裁里  
書革科派雜差幫貼自備捐資詳免河工採買秫稻人戶祝

之俱同

朱杰宰武清多惠政嘉慶六年大水杰發倉賑饑全活無算

降調去士民爭詣大憲泣留復任

採訪冊

劉體仁字樂山四川人嘉慶辛未進士宰武清察民疾苦詣大憲奏減艷莊東沽港諸村地租二千餘金著爲例積逋逾二萬悉免之有僧擁厚貲恣不爲法體仁按其罪戍極邊籍其產立爲義田復置學田歸書院爲生童膏火費書院狹隘捐廉購官產改建之並修

文廟士民詠其善政哀爲集題曰雍陽頌聲

呂詒安字伯謀安徽舉人知武清縣京畿亢旱遽報災停賦稅有富室搆訟謂安貧可利動重賄之卻不受以事去官民咸哀之

胡啟文字季隨河南進士知武清縣邑患盜啟文募勇壯訓練之每夜出捕盜身先兵吏數月閭境晏然髮逆據靜海與

武接壤大兵出勦啟文罄囊供億勸團練嚴保甲獲間諜誅  
之調知大興父老餞于郊有哭失聲者但同上

伍澤榮字廕遠湖南祁陽人雍正五年進士知寶坻縣有惠

政罷官後主講文明社學士人師事之祀名宦湖南通志

吳槃字碧波安徽全椒人以教習知寶坻縣

高宗純皇帝諭順天沿河州縣修理隄防槃卽星夜督工不日築成

是秋大水寶坻獨完固無患安徽通志

關廷牧字叢桂廣東南海縣進士乾隆三十九年知甯河縣

下車纂修邑志彰瘡靡遺邑向無書院廷牧卽文昌祠後殿

捐俸修葺勸捐鄰邑二百金充延師費復重修

文廟建壇墀立養濟院政績卓然採訪冊

劉克邁字訓圃江西廬陵人道光十五年進士宰涑水雹壤

秧捐廉給籽種遇旱瀝誠露禱雨沛然下增書院脯餼有兄  
弟爭訟引咎自責訟者感泣而罷調隆平量移甯河清鹽課  
決巨獄卻苞苴有死囚可疑推勘九晝夜囚感泣解組後囊

橐蕭然

廬陵縣志

林繼篁字履光江西廬溪縣人由太學生授甯河縣典史時  
梟販竊發繼篁緝姦宄置其渠於法民獲安大吏廉其賢以  
卓異題調大興邑差委殷繁篁踴躍辦理罔不協值河決

朝廷發帑賑濟親查戶口不假手吏胥後以積勞卒於官

廬溪縣志

汪錫齡字夢九江南江都貢生康熙四十六年知昌平州公  
署費用向皆里民供億悉汰之地衝差役紛沓吏蠶緣爲奸  
錫齡痛懲蠹役民如更生城東有山左竄匪擾民錫齡設法  
驅之患遂息以罍誤去官士民請留格於例五十年復任昌

平昌平州志

陶煊字熙文安徽南陵人乾隆壬戌副進士以薦知保定縣調順義

駕幸灤河先一日雨水壞橋需費甚急吏爲假得千金煊詢知出自

有案之家亟遣之曰吾甯以悞公干吏議其有守如此

安徽通志

陸騰駿字馭之江蘇清河縣人順治初由貢生授懷柔縣知縣攝密雲清豪強侵佔民田代完邑逋穀千餘石豁重編四

百餘丁擢戶部主事

江南通志

王澗字靜夫義甯州人乾隆間知密雲縣值

車駕巡行秋獮以密雲當關外衝要

命撥綠營兵二百名守城澗恐擾民馳詣上官請奏免民大悅幸赤

城歲饑富民畏劫捨閉麥粟不敢發澗親諭饑民編立保甲

勸富戶平糶民賴以安陞知薊州署易州通州俱有惠政

義甯州志

曾成龍字在田江西新城人乾隆十三年進士知懷柔縣旗

民雜處地小民貧成龍捐廉代完積欠又勸民每二十里設

倉積穀備荒表前明成介愍公墓後裔出撫他姓為贖回婚

娶送義塾人稱之調棗強去

新城縣志

楊瑜顯字公潤雲中人後隸旗籍順治間知涿州外寬內明

令行化洽蝗災瑜顯別寢處齋潔默禱蝗遂去解任後貧不

能歸

涿州志

李勲字麟臺遼陽諸生知涿州性伉直痛絕干謁以修舉廢

墜為已任建義塾聚州之子弟督課之修設巷棚每夜躬親

巡警民賴以安報最擢長沙知府

同上



劉德宏開原人康熙十五年官涿州知州寬仁敏練案無留

牘獄鮮滯囚大清一統志康熙三十一年祀名宦雍正志

楊秘字靜山奉天人性鯁直廉隅懔懔康熙四十三年知涿

州釐奸剔弊無少寬貸時有永定河之役吏貪緣為奸秘按

戶籍選丁老弱者勿遣去任民祀其像於會通樓涿州志

倪岱字山宗安徽合肥人雍正時舉賢良方正授固安縣署

涿州事勤於政治恤士愛民捐俸賑饑寬免徭役以老乞休

歸安徽通志

彭人供安邑進士雍正六年署涿州知州時有袁六者謀殺

某婦前牧不能窮其狀供夜詣城隍廟設法鞠之袁惶怖服

罪涿州志

黃理中卽墨舉人雍正八年知涿州在任四載修學宮建忠

孝節義等祠百廢具舉歲旱祈雨不應脫帽赤腳詣城隍取銀鐺繫神項對繫暴日中雨沛然

許自召歛縣人雍正十三年知涿州州城內外舊有官地百姓建房屋出租爲囚糧自召捐俸置地充之民租悉免

張德榮灋州人乾隆二年知涿州性仁恕捐俸立義學於鎮子開倉儲收納舊有陋規榮悉革之冬月設粥廠濟窮乏至今奉以爲例後以事罷職俱同上

吳山鳳字翥堂湖北漢陽人乾隆二十八年知涿州留心民瘼州西爲巨馬河上游西曠橫溪時潰決山鳳揆度原委捐俸築隄導之由房樹村西北流水患遂息州志久失修補葺

缺畧稱完書焉

採訪冊

趙庭椿浙江山陰監生道光十三年知涿州學宮歲久傾圮

庭椿倡捐修復費省而事舉

張和道光中知涿州循聲最著

俱同上

方嶠桐城人官涿州州同乾隆二年夏大水浸城設法以救

漂溺賑濟災黎全活無算

涿州志

佟有年遼東甯遠拔貢知房山縣勤於爲政修學宮葺公廨

繕城池建奎樓編縣志皆捐廉倡修又嚴行保甲緝捕逃亡

政有不便於民者悉除之一縣稱治

房山縣志

彭萼來字棣芳河南夏邑貢生授龍門知縣調房山事不留

宿民稱無冤旋調三河將去爲房民請免息穀三千七百五

十餘石

河南通志

張世法字平度湖南湘潭縣人乾隆癸未進士知房山縣邑

旗圈地密莊頭某倚勢爲梗牽累多人案盈尺悉繩以法鄭

某婦夫斃姑病云中餅飲毒往驗以所食餘飼犬犬斃佯謂婦曰天暑甚汝為姑揮扇陰察婦目頻顧稠人中世法突向所顧處呼曰毒人者在此一人旋縮而退獲而搜其身囊中餘藥尚存鞠之得姦謀狀民頌神明病歸

湘潭縣志

祖延泰奉天人知霸州舊時凡興大役給兵米及解剖耗費概徵之民其數多於正賦延泰盡為禁革

大兵北征州當出驟車延泰盡出已貲辦具不以煩民民至今

德之一

大清一統志

祀名宦

雍正志

姬均字平軒河南夏邑縣庠生道光十一年知霸州中亭河

久失修玉帶河水滯不得瀉溢為患均莅任築牝牛河隄以

備渾水復修中亭河築橫壩於龍門口時河水方盛均購鐵

鍋數百貯土沉其下旬日功成州旗民雜處訟屢不決均剖

其曲直宿案一清時州苦水患民多流離均倡捐義廩數處

設粥廠市粟布賑之全活無算同治十二年請祀名宦採訪冊

方典字漢桓安徽懷遠人由拔貢生授東安縣丞陞霸州州

判廉幹勤慎見稱於時承辦永定河務潔已奉公有能名河

工之暇親督河夫耕種河邊隙地以屯田法教之遂多收穫

安徽通志

秦世正瀋陽貢士順治三年知文安縣清審絕戶額數有虧

詳請豁除民感其德雍正志康熙四十一年祀名宦文安縣志

郝詔遼東人順治五年知文安縣六年淀賊蜂起攻城詔親

冒矢石力禦之城賴以全同上

韓文富平人順治十年知文安縣時畿南大水縣當最下漚

沒尤甚文捐資易粟以賑賊發親率鄉兵捕其渠誅之縣旗

民雜處爭訟日多文常單騎遍歷莊屯多方開諭民情大安

大清一統志 康熙四十一年祀名宦 文安邑志

崔啟元奉天舉人康熙十一年知文安縣風裁嚴肅裁決如

流鹽梟犯境率兵親勦長子為賊所害士民悼之 雍正志 四十

一年祀名宦 文安縣志

張朝琮浙江蕭山監生康熙二十五年知文安縣清廉慈惠

歲饑頒賑災戶不假手吏胥

皇差車獨出霸屬朝琮請均其役民德之築河隄整城垣新衙署修

文廟建魁樓皆實心奉行事集而民不擾 文安縣志 三十三年升

州下車革火耗禁陋規絕私派遇公務悉出已資學宮就傾

倡捐修復丁丑歲祲製棉衣設粥廠以賑民貸倉米不能完

者三百餘戶悉數代償子弟貧不能讀設義學延師教之尋

以夏去

薊州志

許天馥江南蕪湖歲貢生康熙三十二年知文安縣才優肆

應邑災請蠲賑運米腳價皆出已貲民愛之如父母升河間

府管河同知

文安縣志

劉寶楠字楚楨江蘇寶應人邃於學道光二十年進士授文

安縣知縣文安地形窪下水漲輒致潰溢寶楠履勘相度先

事隄防在任三年皆獲有秋再補元氏咸豐元年調三河卒

採訪冊

程繩武字念孚安徽太平人康熙三十九年進士知文安縣

蝗災親巡隴畔撲捕攝保定河決食宿河干涕泣爲民請命

水患以平

安徽通志

劉廷瑗號蘧軒江西南豐舉人署天津河間等府同知擢巨

寇散餘黨事聞加同知銜補文安縣值歲歉捐廉賑饑凡三

閱月活數十萬人調署磁州

南豐縣志

孫光祚范縣舉人順治元年知保定縣持躬廉潔視民如子

水災力請開常平倉賑濟民賴以生

雍正志

陸光旭平湖人順治九年知保定縣水決隄繼以大疫光旭

請免被災田賦仍罄已貲煮粥以賑擢御史去復請免霸州

文安保定荒地通糧後轉冀南道聞保定復罹水澇遣人持

金分給貧民民立祠祀之

大清一統志

何訥崑山人康熙間授保定知縣水災築隄捍禦嘗中夜視

工馬驚墮水溺幾死縣多通稅以羨餘代之

同上

于際清掖縣貢生順治時知薊州多才幹學宮久圯出其資

修復之州地自圈佔後民多失業際清百計招徠查邊地數



頃極力爲民申請陞山東濟南府知府

薊州志

胡國佐奉天廕生康熙三十年知薊州勤政愛民靡廢不舉  
薊當九河下水嚙隄易決國佐相勢修築民無水滂災薊  
地換旗應補河間國佐請以薊補薊力爭於上官民得安枕  
升湖廣德安府同知

董廷恩奉天廕生康熙十六年知薊州州境旗莊紛紛圈撥  
疆里混淆廷恩核得不應圈撥者三千五百五十頃有奇申  
請停撥民如更生莅任二載興義學建倉社清驛遞嚴保甲  
禁火耗革贖錢實心任事去之日民立碑誌思

俱同上

潘永圖金壇人康熙間知薊州有犯罪者賄當事請寬之永

圖焚其書立置於法

大清一統志

王若常字心如浙江錢塘人乾隆中由山海關通判遷薊州

知州會當軸者營生壙於薊遣家奴劉姓者往治之劉要若  
常出迎并治館舍若常謝弗許劉憾甚因進蜚語當軸者言  
於直隸總督將據他事劾罷之若常遽以病免罷官後貧不  
能歸薊之民餉以酒食并助之歸焉

秦瀛小峴山人集

趙錫蒲山東冠縣拔貢嘉慶十五年知薊州政尙寬簡租賦  
火耗民苦其繁錫蒲十除六七尤加意學校重葺學宮民服

其教

薊州志

牟雲龍關東杏山人順治五年知平谷縣才能敏練六年七  
月土寇蜂起搏城下雲龍單騎入營斬其渠餘孽盡殄以積

升廣東道監察御史

平谷縣志

賈文龍山西蒲州人康熙中宰平谷縣年歲荒歉民多流亡

文龍設法招集免徭役雜差生業以復歿後立碑誌思

採訪冊

朱以升字生木號次雲浙江仁和县人道光庚子進士以知縣籤分順天王寅權平谷縣事平谷順屬僻邑缺最瘠以升奉檄徒步出東直門僱驢赴任無眷屬亦無僕從以檄示人眾始知爲新令也接篆後將數十年詞訟悉爲清理派一識字者爲吏二人爲皂役此外悉遣散之日率一役徧巡各村社饑則購麥餅爲食未及旬日士民大悅士子苦無讀書乃遣役至京購經史日事講說不逾年熙熙向化府尹廉其能調權昌平州視事未兩月適鄰邑有路劫之案鄰邑推諉以升喟然曰豈有爲民上而不爲民除害專爲己處分計耶任爲己事日夜緝捕而鄰邑不爲攸助事多棘手報聞尹憲怒其好事解任後知其枉立爲開復檄委權甯河滿歲調權香河值大水成災

朝廷發帑數千兩兼辦賑恤以升乃戴星而出徒行下鄉清查  
戶口未及邑之半而賑款已罄眾或勸稟加賑以升戚然曰  
吾不忍自欺也慨然以甯河所餘盡數捐賑復詳請擇要築  
隄親駐河干督工隄成水患稍差民德之名其隄曰朱公隄  
自香河題補甯河將赴新任民如失所依跪香泣送甚有攜  
室遷甯河者以升下車慰之分給粟帛使歸在甯十五月興  
學校立義塾修塘工百廢具舉調任順義縣適有一婦自母  
家歸中途被殺棄尸於野緝凶不得以升易服出城至一僻  
村見一婦身穿麻衰襟袖俱帶血痕回署次早率役至某村  
查保甲村民皆至獨不見昨所見之婦詢之鄉人始知係某  
處新移居者核其村與棄尸地相近召婦至鞫之盡得其實

旋以憂去官

採訪冊

胡延年字蒼恒光州人順治七年知保定府郡獮數輩跳身  
旗下詭民田爲己產官吏莫敢詰有崔具望者尤狡而兇民  
訴於部檄延年鞠之具望恃勢不肯服延年憤仰天而嘆忽  
風起空中有聲似槌擊者具望大呼乞命立殞人皆異之大

清一  
統志

武國楹奉天貢生康熙二十九年知保定府時民間墳墓圈  
入旗地不復容子孫奠祭國楹請之上官檄行所屬申明會  
典許其子孫隨時祭掃不許攔葬阻祭民咸頌德焉祀名宦  
朱一蜚字健冲浙江嘉善人知東明縣東明盜藪河南劉某  
爲魁一蜚廉知捕役俞某能給以厚賞獲其黨殷二貫之使  
擒劉以自贖民患遂除署霸州掘井千餘以救亢旱乾隆九  
年調遵化甫兩月陞保定知府建版牘興水利大吏皆倚重

焉春融  
堂集

王雉鼎字太羹孟津舉人授薊州知州升保定同知時容城有叛者部院議督兵勦捕雉鼎曰此饑民也何忍加兵迺獨往上官危之比至衆皆羅拜遂招安

河南通志

常大忠字二河交城人順治壬辰進士康熙三年任保定府同知端嚴有守建忠烈祠祀甲申盡節諸臣疾作聞完縣大視傾囊助賑及卒櫬不能歸祀名宦

雍正志

宋基商邱人保定府同知勤於捕盜嚴保甲慎緝捕常冬日出巡遇貧士衣葛解囊以賑祀名宦

同上

蔣元縉字公紱湖南永明人乾隆辛酉拔貢任保定先是安州與新安縣民爭地容城楊忠愍公祠產十八頃亦被隱占歷官不能決元縉奉檄履勘盡歸忠愍祠故地並勘出官淤

多頃判入蓮池書院以貧養士兩造具服署同知兼攝容城

縣事俱以廉能稱

湖南通志

郭廷邦涇陽人順治十二年知清苑縣以廉直稱布衣蔬食

不異寒素遇事挺然上官不能折以憂去行李蕭然一僕一

婢一羸馬而已

大清一統志

馬上及字翰明山西永和拔貢順治十六年知滿城縣治尚

嚴明政崇大體於講學勸農寬徵清役諸善政毅然力行始

終如一及歸囊篋蕭然邑人泣送

雍正志

余允光奉新舉人順治十八年知滿城縣亢旱齋沐步禱甘

澍立應建義學十三買田供館穀士風振舉卒於任民痛哭

如失父母祀名宦

滿城縣志

湯愛鼎字旺衡巢縣人康熙二十三年知滿城縣除耗羨清

疆理抑強梁治行稱最

江南通志

裴國楨奉天官生授滿城縣知縣勤於民事捐資修葺學宮

縣治及城隍廟農隙鳩工不以累民在任六年士民懷之

志

朱元春字爾衮福建莆田舉人康熙三十一年知滿城縣勸

農恤役上官器之縣故有常平積儲歲歉悉出貸民康熙三

十七年

駕幸五臺道由滿城值大雨命發縣中積粟給旗兵倉貯空莫以應

詰之曰歲儉散民間矣

上嘉之以治狀薦授監察御史士民為立碑誌思

滿城縣志

張煥字寄園浙江山陰貢生康熙四十三年宰滿城下車問

疾苦究利弊蠲浮額停不急之役民困以蘇方順橋為九省



孔道日久傾圮煥侶捐修築設義塾置義田生息以給士子在任九年陞順德府漳河同知邑人泣送乾隆年入祠

禹祥年字履倩河南汜水廩貢雍正五年知滿城縣民欠至二千餘金申請緩徵不允乃鬻產代償卒於任闔邑悲思

孫緒祖山東歷城人雍正八年進士性廉儉宰南樂正定俱有惠政乾隆六年調滿城修白草金線二河以勞疾卒俱同上

宋念祖號陟庭沂州人康熙二十八年知安肅縣三十四年軍需旁午不忍累民遣僕歸醫產給之邑民感泣安肅縣志

鄧元英字絢南江西新城人乾隆舉人知安肅縣差使絡繹不以累民歲旱請賑民得無饑新城縣志

張藩字蘇白孟縣人順治初知定興縣首革陋弊百廢俱舉賊渠張克亮險狡藩以計擒之餘黨就撫定興縣志

白尙登鐵嶺貢生順治四年知定興縣心切休養一切役皆  
罷之五年擢廣西道御史

王德新義州貢生順治間宰定興寬平恤民以違例鐫級

鄒玗字式玉河南進士康熙初知定興縣值大水南召五馬  
潭城隍岸多潰決玗請帑并捐廉與縣丞張都閱工隄成

張其珍字石卿洛陽舉人康熙十年知定興縣首釐里甲大  
害夙患頓除均徭役革陋規鑿泮池修縣志殫心爲治士民  
懷之

梁燦正白旗舉人雍正元年知定興縣吏役下鄉不許食民  
間一粒歲飢設粥廠每日必親驗視民立祠祀之

劉致中河南尉氏進士乾隆二十二年知定興縣邑民楊山  
夫婦夜被盜殺致中聚村人遍閱之一鞠而服人稱神明自

奉儉約尤善記憶在任十年陞蔚州餞送者遮道俱同上

陳思讓號海墟江西弋陽人乾隆丁酉拔貢知定興縣差煩

事雜稽其浮費剔之清查保甲繪為圖匪民匿迹時一騎一

從至鄉間平爭訟勸孝弟藹然如家人父子尋調邢臺弋陽縣志

梁寶書廣西臨桂人道光庚子進士知定興縣下車輕徭賦

除蠹役民困以蘇范陽書院日久傾圮寶書捐廉為倡創立

河陽書院建室數十楹俾生童肄業其中絃誦之聲至今不

絕採訪冊

閻興邦字敬仲宣府前衛舉人康熙九年知新城縣革里胥

之弊丁銀令民自納息訟勸耕捐俸修學政績卓然大清一統志

康熙十三年祀名宦雍正志

易尚升字與同灃州人康熙己酉舉人知新城縣縣旗民雜

處號稱難治尙升訴於親王王賜之鞭懸諸儀門遇輒笞之

一時肅然

湖南通志

申允恭河南延津縣人乾隆乙未進士四十三年知新城縣未下車微服入境訪民間利弊及吏胥奸惡狀莅任除蠹役輕徭薄斂吏民懷畏明於聽斷訟中或牽連婦女可釋者置不問不可釋者值公事到鄉迂道就其里訊之凡兄弟析產爭訟者諭以手足至誼往往感泣以去調天津士民餞送數

十里

新城縣志

胡永湛江蘇丹徒舉人嘉慶二年知新城縣六年大饑永湛察饑民待賑者十一萬戶報上官發賑七千石再請弗許告病去民聚衆搶掠勢洶洶不可禁署事者馳白上官仍遣永湛回任民知永湛至皆環跪大哭永湛諭之曰今已加賑活

爾等無得自罹於法皆感泣散去復令各糧商減價出售境

內晏然

同上

周良卿字雲峯貴州都勻人道光辛丑進士六年知新城縣  
建義倉並勸捐義穀以備荒歉與教諭王振鐘等捐修

文廟二忠祠舊附署前地湫隘因移近學宮旁置十餘楹作書

院課生徒文風蔚起

同上

咸豐元年知定興縣束隸胥除賭博

整飭書院勸課農桑邑兵差累民悉請豁免民立生祠祀之

定興縣志

王政陽信人順治己亥進士康熙六年知唐縣濱河地畝多  
水漲沙壓負累錢糧政親爲檢勘凡實在被傷處所力請豁  
免又請免每歲狐皮解費四百餘金請散遞馬於要道州縣  
以蘇里社喂養之累又請廣入學額後歸歿祀鄉賢

山東通志

鄭昱黃岡人康熙庚戌進士知唐縣性廉潔苞苴不行革除  
火耗縣庠序傾圮學官賃居民舍城垣亦皆頽毀捐俸修築  
煥然一新立文會親與諸生講解行取授給事中祀名宦  
雍正

張國柱字斯石安徽石埭人以貢生知唐縣革陋規創義學

歲饑盜起賑緝有方民賴以安

安徽通志

高捷順治元年署知博野縣時盜賊羣起捷招撫數千人民

始安堵

博野縣志

鄭瑛山西洪洞進士順治四年知博野縣時蠡縣失守調兵

有方民賴保全

遲日豫廣甯歲貢生順治五年知博野縣擒賊有功民咸德

之後陞湖廣道

柯榮廣甯歲貢生順治九年知博野縣修署築隄護城有功  
民頌其德

張志尹陝西臨潼進士順治十三年知博野縣愛養休息革  
除庫吏民咸頌之行取御史巡鹽兩浙

郭堯都陝西高陵人順治己亥進士康熙六年知博野縣禁  
賭博絕苞苴修城築隄閭閻不擾邑健訟擇鄉耆督之復嚴  
行保甲法盜賊屏迹陞督捕主事士民商賈攀轅泣送

羅士吉口口舉人康熙二十六年知博野縣值蝗蝻災竭誠  
致禱悉逸去是秋穀多雙穗大有豐登人皆稱異政所感興  
利除弊培植文風重修魁樓及北城樓自此科第不絕

趙用熙浙江蘭谿縣舉人保題孝廉方正特授知縣雍正二  
年知博野縣救災恤患除盜安民立順莊法滾單徵糧以省

差催廣勸樹畜嚴禁偷竊又請蠲民欠倉穀千餘石終養歸邑人餞送百里不絕

何長敦號禮門福建光澤縣人嘉慶五年舉人以大挑知縣署新城縣事值歲凶給賑長敦親赴災區查戶散放不假胥吏之手後上憲厯被災各縣覆核惟公所報無異乃歎曰若何令者可爲第一誠實可靠之員他官不及也縣故多盜長敦以威信督快役及里長查保甲以清盜源在任數載境無劫案聽斷明敏案無留牘令饒陽民有夜半呼冤者巡吏阻之不理長敦聞聲起視立即傳訊有爭祖產者訟數年不決長敦傳訊時每黨引一人進內問以祭掃瑣事訟師所不及囑者使各畫供詞然後合質真偽自見無不赧服令衡水有張烈女守瓜田被人強污不屈死兇無左證前令幾寢其事



長敦至訪緝兇犯置於法而上女烈獲旌焉令博野興利除  
弊修學校端士習刊鄉賢顏習齋先生遺書以風厲一邑居  
官十餘年廉俸多分與兄弟戚友又購置祭田學田是以宦  
直雖久囊橐蕭然著有愷樂堂經辨詩集雜著若干卷採訪冊  
趙曰爌山西樂平人以進士知博野縣博巖邑也盜時出沒  
被獲者株累多至數十人曰爌設科條洞中機宜盜遠引株  
累者悉縱去

山西通志

傅潢字星北貴州貴筑人嘉慶十六年進士道光二年知博  
野縣大水奉檄賑災民親爲收發不假吏胥手三年調滿城  
邑一百五十村編十九處名曰大約遇差務約正總成攤派  
民苦其繁重多未完交潢易爲中約皆輸納恐後如更生有  
訟者賄以金卻不受四年調豐潤邑有蝗災親履田野督捕

以徵積逋不力撤任總督蔣攸銛特調署宛平未任以艱歸

採訪冊

陳自德字潔源豐潤人隸滿州籍以貢士宰望都邑承彫弊後極力振起築城濬隍寬嚴交濟膺

內詔擢試御史稱職

望都縣志

錢振龍字升之鑲藍旗人知望都縣民有為債逼鬻妻者解囊贖還復築堡固圍民獲安堵舊志散佚振龍勤加蒐訪成之祀名宦

李天機營州人康熙十五年知望都莅任除報富民作櫃書解糧銀之擾修堯母帝堯學宮三廟興社學復陂堰百廢具舉士民思之

蔣國正字枚臣諸暨人隸錦州籍官監生康熙二十八年知

望都縣年二十才猷練達多惠政催科寓以撫字買辦平價不累行戶除額外之稅雇夫役修道路悉酬其傭年荒請米三萬石邑南界舊隄被盜決屢受其災國正募人董督招民住居立其鎮曰古城設義學置茶亭掘地得泉民神之樹碑曰蔣公泉蝗災禱於神多自斃在任十年陞廣西永安知州去士民立生祠祀之

沈景張字敬安震澤舉人乾隆元年知望都縣邑界衝途役繁賦重景張均徭平雇無名之役悉捐除之驛草歲需五十萬增價自買邑額賦一萬四千行順莊法民稱便水災清查貧民一萬四千五百口貧生三百名上其冊請賑前後用穀一萬六千皆躬督分給民賴以安葺城登建營臺濬泉河四十里爲石閘三蓄洩有法邑東南下涇購稻種給民復教民

習蠶務循行阡陌與兒童婦子慰勞如家人學宮就傾重加  
修葺移建崇聖祠於講堂東落成率僚屬舉賓客讀約法以  
風厲士庶里塾則延師教之籍寺廟之產爲學田絃歌之聲  
至今不絕尤好獎善類旌節孝十二人明季戊寅之難死事  
者官民九十五人民婦四十八人爲位附於祠春秋與祭歲  
時問高年有老婦逾百歲聞於朝寵賚有加一時驚爲異數  
上官知其賢有疑獄必使鞠之多所平反四年冬報最內陞

俱同上

陳士全江南江甯人道光丁酉舉人二十六年知望都縣下  
車訪民間利弊布衣粗糲示下以儉常夜出署訪賄賊懲以  
法民皆畏服九龍泉淤塞督工挑挖灌田數十頃縣當通衢  
差車累民爲最士全僱驢以代民如更生創差徭表酌立定

數至今猶賴之採訪冊

劉體中雲南昆明人道光乙巳進士咸豐元年知望都縣署中柴薪向責之民體中焚冊卷免民間輸納差役不過數人民有詞訟事票傳限以時日吏胥懍懍減糧銀節差車皆實澤及民無所瞻顧咸豐二年髮逆北竄體中立二十四團申明約束賊遠逸城賴以安同上

江起元曹縣人順治丙戌進士宰容城時圍田之令初下起元篤志撫循凡不便者輒一切報罷戊子丈民田陂陀藪澤墳墓渠塹所在悉與分豁調繁去保定府志

趙士麟字玉峰河陽人康熙甲辰進士知容城縣以正人心敦風俗爲務建書院明正學與諸生講論輯其語爲敬一錄揭教約分十二則共相砥礪康熙志縣有不便者二十事力請

於大吏除之范陽盜起士麟密迹其巢牒安肅合兵勦捕盜

遂空

大清一統志尋祀名宦 康熙志

程愨山西祁縣舉人乾隆十年知容城縣留心善政三賢祠

俱置祀田人至今稱之

容城縣志

張熙麟江蘇江甯舉人咸豐五年知容城縣崇儒重道倡建

希賢公會窮乏者捐捨棉衣棺木士民德之歿後從祀靜修

祠

同上

朱宏憲字守謙全椒舉人康熙三年知完縣懲健訟均力役

招流移課茂才以古循良自勗縣代他邑役馬宏憲概拒之

新雄治道復徵役於完堅不應去之日民持酒泣送亘百里

康熙志

後有陳燕明者廣東東莞舉人康熙二十九年知完縣

歲凶燕明通詳大府禁強借勸捐賑止橫債巡撫于成龍令

入府遵行卒於任邑人憫之

完縣志

趙燮字亮公陝西安邊衛監生康熙三十年知完縣下車歲大稔鬻產捐米設厰賑饑明年旱災捐俸僱車牛運望都倉米減價督糶民賴以甦邑有劉二與李明月讐殺張喜兒納之井事久莫決燮齋戒沐浴牒於城隍神夢明月麗空有神振衣而示之者再兇遂獲

同上

朱懋德字調梅江蘇靖江人雍正九年知完縣時方大稔躬歷鄉村盡發社倉穀以貸之民困始甦以出借過多奪俸七年勿悔也縣故多旗圈地昇平日久佃民各附近開墾業主思奪之懋德言於上官請以圈餘墾熟之田許民自首悉照例人於糧額升科而田則歸民執業一時首墾者至千餘頃縣歲辦蘋婆果解京物微任重懋德請咨部免其役縣志久

殘缺獨修輯之調長垣邑繁劇素以難治名懋德鋤強扶弱  
豪右爲之斂迹境有大行隄隄生菱歲折徵解河南銀一于  
兩繼荆龍決口淹隄草不生而額解之項自在累及原戶子  
孫復請豁免焉蘧公書院膏火田五百八十畝爲有力者所  
占贖回之歲收其租延師課生童以與文教未幾爲郡將所  
誣罷職事尋白謁選得山東夏津縣

春融  
堂集

唐綏字宜之四川人乾隆癸酉舉人知完縣矢慎矢勤明於  
聽斷邑有趙某爲盜所攀囚繫經年綏下車知其冤卽出而  
置盜於法會有邪匪李福等聚黨謀洩被獲悉心研鞫無辜  
被逮者悉釋之

四川  
通志

賈滄字本生山西蒲州貢生順治十五年知蠡縣仁以愛民  
嚴以緝盜革里甲養馬之弊隄壞冒雨督築不恤勞瘁卒於



官士民惜之

蠡縣志

單務嘉字繡陵山東高密進士康熙七年知蠡縣矢勤矢慎杜濫差除私派革里馬絕贖醵懲賭博督四鄉築墻垣遴選保長立更籌以巡警盜氛頓息陞江甯府同知

劉文燦字燁然鑲紅旗舉人康熙十一年知蠡縣精明歷練杜差役之擾一票不濫出聞警必親督捕精於折獄片言解紛陞中書民思之建祠立碑

畢忠告字淄湄山東益都進士康熙十六年知蠡縣豁包糧禁賭盜奉行稽察隱地參罰之例甚嚴獨不藉此爲超遷加級地出示聽人自首按例起科民立碑頌之

俱同上

高蔭爵字子和鐵嶺人宰蠡縣蠡大邑也割其半爲旗屯民佃勲貴田倚勢豪橫猾首做紳互爲奸利操持吏短長巨猾

某誣劉生爲奴而藉其田獄旣成蔭爵按得實并其他贓事  
置之法皆惜伏莫敢犯令又河數決孟嘗村歲不一登民大  
饑邑有倉粟二萬石請賑於上官不可再請再不可請解印  
去上官不得已許賑五千石蔭爵曰歲凶而民不能償二萬  
石亦死五千石亦死等死耳我且活吾民乃盡發之出帑金  
五百兩貸種麥約日麥熟償種穀熟償粟以二十之一爲息  
是歲旱蝗起蔭爵捕蝗禱雨輒應秋大霖雨河水暴漲率吏  
民捍隄植立風雨中波濤撞椿不震不動隄完而田大熟於  
是設義倉置鄉塾興立教條尊禮賢士邑大治調署三河一  
以簡易爲治無所設施或問其故曰前令彭已治矣何紛更  
爲

上至三河問父老高令與彭令孰優父老曰彭令廉而毅高令廉而

和

上稱善久之于成龍問捕盜方畧條三事以對曰剔盜藪窮盜術清盜源大畧言盜以旗屯爲囊橐而出沒變幻不可踪跡請嚴保甲首實之令使盜無所匿而平日能使之衣食稍足則可不至於爲盜成龍韙之擢南路捕盜同知兄承爵字子懋康熙二十八年官安徽巡撫緣事解任得白

命督理靜海漳滏滹沱等處河務精明強力不畏險難後官至都察

院右副都御史

嚴太僕集

楊石渠字靜巖江西豐城貢生知蠡縣下車訪問利病剔蠹除奸胥吏不敢欺邑有濱河巨族與高陽界連每春漲謀捍禦與高陽爭訟前令多不決石渠履勘畫界立碑爭息而水患平有婺婦歸甯誤墜兒輿下斃婦訴於庭賄胥吏繫輿人

獄石渠得其實立釋之未幾有商失金捕緝未獲一日忽有以原金獻者卽前所釋之輿人知失金案偵得之以獻尋卒

於官

豐城縣志

尹名選字衡齋江西玉山優貢生知香河縣雪寃婦獄宰河間忤郡守乞假解任明年知蠡縣蠡西南蕭家灣小東河所經地高水陡城當其衝不沒者三版議分疏以殺其勢請帑疏鑿四里有奇護以堅隄四閱月渠成而瀆龍河決瀆龍河出中山唐水至祁州會沙滋經蠡東北入高陽南北兩岸隄長七十餘里歲修費出於民而吏胥包辦以故卑薄善瀆名選更定爲法使各鄉之殷實者司之屆期躬赴隄所尸置夫圩置長視勤情酬以直費減而隄固當事善之蝗起上官立捕蝗法名選曰官捕不若民自爲捕納蝗一石給百錢費私

錢不及百緡而蝗盡瘞矣某邸司牧者侵佔民地訟於官不直之卽訴請當事名選持之益力蠶訟牘月以千計計日定程繼之以燭漏盡猶對狀剖決無倦容丁艱歸卒

玉山縣志

戚崇進字仲僕山東威海衛貢生康熙四年知雄縣廉明俊爽下車詢民隱除積弊催徵無限期訟獄不事勾攝去之日

百姓勒碑曰天下清廉第一

雄縣志

姚文燮桐城進士康熙八年知雄縣大水民多流徙文燮招徠之復業者予以荒地耕種捐資築城垣隄岸請免被水田租修學課士邑志殘缺更爲蒐訂士民懷之

一統志

康熙三十

八年祀名宦

雄縣志

凌松林河南西華人咸豐癸丑進士五年宰雄縣縣當孔道軍興以來兵差絡繹車馬悉自僱不以擾民新城縣青凌隄

決縣屬被淹松林捐廉堵築之天津修築礮臺邑奉派採辦樹株二千餘松林皆自行籌運民咸激願奉金相助悉卻不受建義塾恤災黎息爭訟戢盜賊在任七年家戶祝之同治

十二年請祀名宦

採訪冊

胡源浙江人同治七年知祁州擒逆竄州境縱火攻城源躬督鄉勇登陴禦之力戰被執與學正周彬前任學正于壯圖

同時遇害

同上

劉崑字西來江西南昌人順治十六年進士康熙七年授東鹿知縣修黌序善獎勵人才城圯捐俸修固邑乘殘缺重葺之尤嚴於治盜獲則置諸法境內肅然

東鹿縣志

遷雲南府同知

吳三桂反械崑赴勘僞官坐堂上問何言曰不作賊遂羈於獄三桂惜崑才杖四十充軍戍騰越衛遂避寶台山去及

大兵破雲南補登州府同知遷常德府致仕

胡海文傳

孟文升字重華河南原武貢生康熙十一年知東鹿縣邑豪藏匿亡命爲不法竄名軍府負緣官都司歸里後與其子端石爲不法文升廉得其狀立斃之乃率吏卒檢其家諸亡命皆倉猝不及備搜獲民女十餘人釋之鹿人歡呼載道爲立

祠以祀

河南通志

王天慶福建晉江人乾隆元年知東鹿縣守潔才長強於吏治下車整理書院建文昌宮延師課讀創養濟院留養局鰥寡孤獨無失所者至今人猶德之

東鹿縣志

陳文合廣東澄海舉人乾隆十年令東鹿慈祥愷悌士民戴德首重學校補修

文廟創建明倫堂敬一堂尊經閣並東西兩學官廨舉廢修墜

政治一新

李文耀字金章福建清流拔貢乾隆二十二年知東鹿縣甫下車淳沱漲溢爲患捐俸築城垣開川滄導河由故道行後葺書院及常平倉義倉養濟院留養局治績尤著

蔡廷斗浙江仁和監生乾隆三十二年知東鹿縣操守廉潔邑土城圯詳大吏易以磚至今人猶賴之

李夢蓮貴州綏陽舉人乾隆四十二年知東鹿縣庚子淳沱溢水入城夢蓮造運水車晝夜督工水退民德之書院廢弛重加修絃誦之聲至今不絕

夏獻烈江西新建縣人道光庚戌進士知東鹿縣性明敏精於吏治蒞任值髮逆北竄獻烈練勇防禦籌兵籌餉事集而民安



俞鳳安徽婺源副貢生乾隆四十六年官東鹿縣丞明敏有爲勤於吏治四十九年滹沱溢水浸城鳳安督開溝洫引水

入濠復緣隄植楊柳千餘株隄賴以固俱同上

劉嘉註平原進士宰高陽下車土賊蜂起聚攻城矢集如雨

力戰卻之調永興去邑人立祠以祀保定府志

卜光煜雲南人道光初宰高陽政簡刑清盜賊斂迹尤篤意

作養人才誦讀聲徧聞城郭間邑有巨浸曰回龍宮三年大

水高出隄岸者尺餘光煜登城守晝夜不懈禱於神水退城

無恙開倉賑濟四境晏然迄今垂五十年父老猶稱頌不置

云採訪冊

丁銑嘉慶末宰高陽能爲民除患高陽嘉道中每秋冬有北

口外牧人驅羊數萬頭所至麥苗皆盡且假名王公府州縣

晉書通志 卷一百九十一  
無敢過問者大爲民害銑至逐之其患始息

楊景彬陝西人咸豐二年宰高陽創建濡上書院勸辦圍防  
修葺邑城女牆同治七年捻逆困城城堅持以無恐四鄉避  
難城中者數十萬人士民至今猶思念之

張恩煦咸豐庚申進士同治五年宰高陽捻逆北竄高陽戒  
嚴城外附近村莊爲賊所踞軍書旁午火光燭天恩煦與提  
督劉景芳教諭張康熙訓導李若樾典史沈昌本外委李玉  
堂治城守賊來攻輒卻之危城得完論功有差

俱同上

夏熙字春臺浙東上虞人慈祥精敏負幹濟才授熱河巡檢  
時熱河未改郡統以同知分理者惟巡檢任綦鉅熙蒞任立  
義塚建祠廟百廢俱舉熱河環羣山之衝夏秋患水熙浚旱  
河以導盛漲力捍民居乾隆己丑庚寅水大溢蕩廬舍奉

詔重濬新河使西南諸山之水由南下東赴熱河河身廣袤丈尺水

患以平熱河地當雁磧歲偶歉餓殍出關流滯者踵相接熙  
集千金寄質庫量其息歲買穀棉以給凍餒尋卒於官民思

其德建祠祀之

承德府志

覺羅嵩阿禮滿州正藍旗人性廉介聽斷公明知平泉州不  
攜眷屬不延幕僚一二僕從簡如也嘗言治民首在整躬興  
利尤宜革弊州廨舊規凡柴炭草束之類皆取之民阿禮發  
價平市悉除其弊秋獮大差例於徭額外增斂於民充供帳  
費阿禮曰吾奉檄徵民不得已也若復增之民何以堪卒不  
增其潔已愛民類如此秩滿去任攀轅卧轍者達鳳凰嶺外

同上

馮如京山西太原振武衛恩貢順治元年知永平府彈壓變

亂招集流離申請創立義學除明季陋規六屬欽服其任灤州也常革老人應驛之苦立法攢槽至今賴之尋陞榆林道

副使

永平府志

李日芄字培原滿州諸生順治二年任永平知府懲投充革濫派吏不能為奸尋陞霸州道副使

同上

李中梧字燦字遼陽人知玉田縣有惠政順治三年擢永平知府民有持鋤殺人事久未決中梧命燃草爇鋤血迹宛然獄乃定又有操故券訴人負其父財者察知其偽其人媿服

而退

大清一統志

路遴字子將江蘇宜興人順治壬辰進士任永平知府築石隄數百丈以捍灤河鋤強暴護良善在郡三年治行稱最

江南通志

通志

陳丹字自修江南山陽人康熙七年知永平府下車卽盡罷

供應還各屬嚴絕饋遺署內另舍自居纔可容膝以精勤政

事卒於官士民哀之

大清一統志 祀名宦 永平府志

唐敬一字耕留四川成都舉人康熙十年任永平知府禁革  
鋪墊陋習不輕差一役入鄉壬子夏旱齋禱五日雨立沛十  
二年水嘴城西北隅圯敬一捐廉修復之

常文魁字月生正藍旗貢生康熙十五年任永平知府歷事  
敏練折獄片言立決修理

文廟添設石坊石柵於學前購隙地創建書院爲生童會文之  
所府志失修重補葺之其諸祠廟亦次第興舉郡人服其勤  
能

梁世勳字鶴汀陝西安塞廕生康熙二十九年授永平知府

立心寬厚丁丑水決西北城隍倡捐修築民饑煮粥以賑捕蝗祈雨皆立應有效後官至安徽巡撫

蔡維寅字典三浙江德清進士康熙四十年任永平知府首崇學校朔望課諸生於明倫堂分別獎勵郡舊有義學維寅擇塾師教之清查舊存田畝並設法添置膳田士人至今懷之俱同上

華黃字中湄江南無錫進士康熙四十三年知永平府恤屬僚愛百姓片言決獄人心悅服永郡科甲素之黃修學課士

文風振興

雍正志

謝賜履字建侯廣西全州舉人康熙五十四年由戶部郎中出爲永平知府夏澇傷稼前守以有年間賜履至見饑民枕籍卽出庫帑三百賑之勸富民出粟以助不旬日得萬餘石

民心定乃赴上官請發倉儲詞氣激烈時楊名時爲巡道贊成之先是通州所屬被水將入告至是乃以永平四州縣偏災附請得發粟十萬石永平當四萬總督遽檄通永道以百艘載糧由通州直達樂亭地雖瀕海而小港深不逾尺且兩岸將結冰遲悞則獲戾矣賜履馳赴港口相度飭收令備車橐覓千夫以蘆席萬片就地爲囤駐近村以待居三日邏者告南風發港水二三尺百餘石舟已入矣又二日以深四五尺告可達三百石舟既而風益厲水益深八百石大舟揚帆竟入至第七日風止水涸空舟僅乃得出名時聞而歎曰謝守勤民神固默相之矣尋進擢天津道

廣西通志

彭爾年字永公奉天杏山監生康熙三十二年任永平府同知時府守梁世勲議修

文廟並城垣隄岸爾年贊成之承審部案釋無辜牽累者數十

人尋因公鑄級

永平府志

劉觀瀾洛陽人任山海關通判值悍卒狂逞頑民影附撫御

勞心卒於官關人爲歛貲歸其喪祀名宦

雍正志

夏時美滿名安達里字羨之廣甯人康熙十年任山海關通

判潔已奉公愛民重士時蒙古察哈拉部落謀爲不軌時美

完守備禦關民恃之會屠將軍統師進勦時美督運軍需供

應無悞以憂去合郡士民焚香泣送並勒石建祠以誌不忘

庚寅知府張朝琮詳入名宦

永平府志

尤侗字展成江南長洲拔貢生順治九年任永平府推官學

識優長治政明決優禮師儒因材鼓舞士習丕變後登博學

宏詞科官翰林院檢討

雍正志



梁應元字仁吾遼陽人順治三年任盧龍知縣當鼎革初人心惶惑應元慈惠寬仁鞠保備至修學宮建啟聖名宦鄉賢等祠陞江南池州知府

趙汲字學夫號潤字奉天錦州貢士順治五年任盧龍知縣廉明仁厚前任學宮未竣汲慨然繼成之時部檄負芻豆赴三屯備行幸羽書旁午民間供應不及汲時給值僱運不以

擾民陞江南泰州知州

俱同上

李士模字可菴高密進士順治十四年令盧龍才識優長遇事立剖邑舊無志士模始爲纂輯

雍正志

閔峻字山紆浙江烏程拔貢康熙四年宰盧龍邑土瘠民疲地衝事劇峻悉心撫字勸諭輸將禁雜耗行保甲懸賞緝逃編審不顧強禦學宮圯捐俸重修之考績內陞

盧龍縣志

魏師段字松巖湖廣黃岡貢生康熙九年任盧龍知縣履任  
初革除一切陋弊值

聖駕東巡召見詢以愛民之實奏對稱

旨師段勤於吏事諸務親裁修學宮及邑治煥然改觀鄰邑有殫其  
僕而誣人者承審官顧其豪勢獄竟成師段嚴訊得情人稱

神明祀名宦

永平府志

衛立鼎字慎之山西陽城人康熙十九年知盧龍縣地當兩  
京孔道驛使旁午立鼎悉自營辦不以擾民先是縣中徵糧  
勻杪以下皆用升合量徵草以銀代仍買草民間而低昂其  
直立鼎令輸戶合奇零統歸斗斛及額而止納草者不用代  
民甚便之會

聖祖命魏象樞偕吏部侍郎科爾坤巡察畿內至盧龍已治具不食

俱啜茶一甌日令飲盧龍一杯水吾亦飲令一杯水諸大獄  
悉以咨之立鼎引經準律象樞大稱善格爾古德爲直隸巡  
撫以事至其縣謂之曰令之苦無異秀才時然做秀才自苦  
耳今自苦而百姓樂非苦中之樂乎疏薦盧龍治行第一靈  
壽知縣陸隴其次之內遷戶部郎中秩滿選福建知府以年

老致仕歸

國朝先  
正事畧

陸懋字士林浙江平湖副貢生康熙二十五年知盧龍縣廉  
明剛正不畏權勢時有旗員假公擾民懋執法嚴懲民獲安  
堵春郊勸農親愛如家人以直忤去官及束裝惟做筭傘屐  
而已老幼焚香泣送達於境外

永平  
府志

陳夢熊字渭公山東濰縣拔貢康熙二十七年知盧龍縣北  
平自開潘桃等口筏手借端擾民夢熊以法繩之皆斂攝守

約束喜峯口設備穀米沍爛可虞夢熊詳明始末絕將來貽累復修學宮立義學平物價借穀種施衣粥創立義塚皆實惠及民不畏強禦編審舊例增丁索費累民夢熊於編審時預定某社某日止令戶首遞單足額者免候一應需索積弊

悉除邑民感悅

盧龍  
邑志

晏賓字鹿菴貴州平遠州舉人康熙四十四年知盧龍縣寬厚愛民每冬徵收倉糧隨到隨收有升斗不足者概免補償歡聲載道己丑水浸學宮設法修葺編審戶口旌舉節烈人咸頌之嘗攝遷安縣兩邑差務冗劇賓從容肆應措理咸宜自奉不改儒素上官有第一清官之譽以憂去

永平  
府志

萬承芩江西南昌縣進士雍正時以庶吉士改授盧龍知縣除耗羨嚴行保甲尤以振興文教爲己任捐俸立義學延名

師教讀薪水皆出已貲給之同縣內地民人出關給路照爲

驗胥吏多需索承芩勒石永除至今稱便以疾乞歸

南昌縣志

屈成霖字起商常熟人乾隆元年進士初任盧龍縣總督李衛見其書生敕知府教以吏事及蒞政剖決皆適事理知府驚服五年總督孫嘉淦薦知景州濬惠民渠築運河月隄決堙增庫民無水患募卒夜偵津路盜賊迸逸商旅獲安有大姓宗族好相訐告成霖廉知搆訟主名嚴誡之訟以衰八年天津河間旱饑有

詔發賑當時一戶率賑二口成霖計口施賑無漏澤者民先流亡聞

賑還者續上其籍並蒙廩給又於南門北門設棧流所以處四方流移隣邑聞者憾不爲成霖民是時成霖才望寔顯大吏方議薦拔而成霖深懼盈滿因求解職十一年遂謝病歸

王芝堂  
文集

楊鳴湖廣安陸舉人康熙三年知遷安縣政治寬平六年地  
被圈部檄撥任卸地補之民憚其遠鳴力請得免卒於任土

民感泣 遷安縣志

王永命字九如山西臨汾舉人康熙九年任遷安縣持躬清

正治政廉明蒞任革陋規除耗羨凡食物器具俱覓給時值

商民德之學宮城垣及冷口邊墻相繼頽壞修葺不以累民

陞行人司行人祀名宦 永平府志

張一諤浙江山陰拔貢康熙十六年宰遷安寬厚精勤修學

宮葺城垣旌節孝革陋規政無不舉時有誘賣故民之妻馮

氏於旗下者婦矢志不從一諤捐貲贖回全其節十七年府

檄築澈河橋申免其役民德之 遷安縣志

張夢蓉字人鏡山東觀城進士道光十五年宰遷安蒞任剔  
宿弊抑豪胥訟者至無敢稽時乘馬行村野遇詞訟事立決  
之夜則微服厯城郭奸慝無所容雹災徭役悉予豁免建書  
院興水利至今人食其德云

同上

張毓中字去偏山西陽城舉人順治二年知撫甯縣邑當明  
末差繁徭重及包完坍塌地畝錢糧大爲民累毓中蒞任清  
查逋數概請捐除流亡復業甫七月擢刑部主事百姓如失

父母

永平府志

劉馨字敬菴湖北沔陽廕生康熙十四年知撫甯縣治政寬  
厚捐貲創建武廟立小學修書院有益於民者爲之蒞任四  
載諸務畢舉

趙端字又呂浙江錢塘貢生康熙十九年知撫甯縣慈惠明

敏釐剔奸弊民畏而愛之尤留心學校獎勵生童設鄉塾置學田立義塚又於城北設冰窖以供部例免山海運駝之累

境內晏然

俱同上

孫士賢字軼凡安徽鳳陽人康熙四十年知撫甯縣建義學興利除弊邑當衝要驛馬不敷民苦派應士賢力請增馬民

累得永除乞休歸邑人泣送

安徽通志

裘君弢字約斯號退菴江西新建人雍正初進士知撫甯縣五載廉潔自持守前令遺規絲毫不以累民致仕家居四壁

蕭然

永平府志

程大禧字帖懷福建莆田監生雍正四年知撫甯縣懲惡安良一切雜派陋規盡革之先是邑地畝銀花戶交給催頭每畝約京錢六七百或八九百大禧給發易知單將正耗開明



每畝用銀六分合時錢三百六十按限自封投櫃每歲所省  
不下萬金詳請勒石以垂久遠城西洋河杠梁之費派里下  
爲民累禧皆捐俸修之以罍誤去任

王曰翼字建齋山西陽城舉人康熙九年知昌黎縣繕城修  
學編審公平舊有糧羨陋規翼張示永除頌聲徧境內去任  
民立碑誌思

陳邦齊字君弼奉天蓋州廕生康熙十五年知昌黎縣操持  
廉介治政仁明邑錢糧積逋百姓多流亡邦齊蒞任一切繁  
擾陋弊不便於民者盡行禁革省刑薄稅百姓皆接踵復業  
時以慈母稱之

俱同上

李象井字星泉江西吉水人乙未進士乾隆五十年任昌黎  
知縣歲饑捐廉倡賑力不足稱於人鬻產以償所負尋丁艱

歸古水縣志

梁肇文字景圖廣東三水縣人乾隆乙酉拔貢知昌黎縣慷慨好義給貧士膏火復捐廉資息爲士子赴科納卷費邑有淤田數十頃擇親老孤寡及貧士無田者給之四十三年

上南巡

賞除道能

賜衣一襲母憂歸採訪冊

曾豫謙字蘊發江蘇昭文人嘉慶六年舉人歷署元城南和昌黎獻縣盧龍知縣在昌黎時有因釁故殺案訟久不決豫謙鞫得實案始結任盧龍有貴官過境僕從騷擾爲民患豫謙抗聲與爭歛迹去青龍河溢浸及城豫謙督率堵禦設舟楫具糗糧以賑災民補曲陽縣旋調清豐葺

文廟濬河渠亢旱先期稟大府

奏請緩徵因辦賑論事與上官不合奉檄撤任採訪冊

曾世儀字仲威湖北黃岡人道光乙未進士十六年知昌黎縣初任時微服入境訪地方利弊及莅事立懲莠惡數人禁影戲絕賭風墾荒以招流亡表彰孝義民風大振昌黎南濱海漁戶盜賊易溷跡世儀令紳民編團巡緝萑苻斂息又地接山海關民間棄家貿易者月以千計出示勸以安分守業勿輕離鄉里違父母拋妻子以圖難必之利情詞愷切百姓有感而泣者尤加意培植人才捐金八百爲諸生膏火費復捐廉建義學重修

文廟夷齊廟并韓文公祠訪其嫡嗣韓振詳請承襲時暎夷不靖世儀奉檄防堵昌黎海口相地勢險易建礮臺挖梅花坑

經費三千餘金皆出已貲籌辦復諭令近海團練守望相助  
月餘而海口之防備以嚴尋薦升保定府同知去官老幼泣  
留並繪卧轍圖以送同上

鄭伸字行臺奉天錦州人順治二年任灤州知州推誠待物  
一介不取時奉部圈田力護近城園舍晉大同僉事歿祀名

宦永平府志

馬如龍字見五陝西綏德州舉人康熙十六年知灤州灤俗  
悍而多盜旗弁債帥持吏短長如龍鋤奸安良豪右斂手州  
有民殺人埋其屍四十餘年如龍一夕宿逆旅恍惚有人訴  
冤掘其地得白骨詢之士人云此屋已十易主矣詰最初一  
人至鉤其情遂吐實立寘於法昌平衛有殺人獄莫知主名  
郡守以如龍才使治之道逢白馬少年云殺人者叔也如龍

至閱其狀乃民有父子被殺於寺并殺寺僧五人而民之居  
旁張劉二人者卽其子之中表叔也詢之不承私令迹之二  
人相語曰誰謂馬公察者易欺耳卽執之一訊而服於是數  
州之民皆頌爲神明厯官至江西巡撫嚴太僕集

韓逢麻字悅宜山東青城貢生康熙三十七年任灤州知州

廉明正直愛民如子灤俗抗糧刁訟爲藏盜藪逢麻徵比不  
許旗豪劣矜包攬賞完罰欠衆心悅服詞訟不輕差役據理  
立剖又訪挈旗棍窩詐等事年餘盜息民安境內稱治調定  
州士民遮道泣送永平府志

莫暮字乳泉廣東定安人乾隆庚辰舉人嘉慶五年知灤州  
明於決獄民無遁情捐廉葺學宮建忠義節孝兩祠增修書  
院並置一切器皿書籍集生徒延師教之復建武弁衙署倡

修榛子鎮石橋辛酉灤溢民多漂沒暮懸重賞拯浮屍予棺

瘞之卒於官邑人請入名宦

灤州志

吳士鴻字庚亭江南長洲人嘉慶十一年知灤州練達明敏  
遇重案務使盡言不事刑求獄成後罪囚多感泣者州旗民  
錯處俗悍而訟繁士鴻秉公剖決清宿案數百起戊辰河溢  
賑濟外復捐俸撫恤之詳請減除冲刷淤地租糧銀州民大  
悅庚午夏諭鄉民修築汀流河閘芬溝等埝水漲恃以無害  
海陽書院向無經費捐廉爲諸生備膏火

文廟文昌魁星諸閣多傾圯皆倡復之士民戴德

黃珽字乙舟安嶽桐城縣人嘉慶三年官灤州吏目撫卹獄  
囚留心民務尤喜培養寒士

文廟文昌魁星諸閣悉捐修之有三州詩集行世

俱同上

金星瑞浙江仁和監生康熙二十一年任樂亭知縣政尙慈  
惠有能聲修

文廟崇祭典備樂器水衝城垣圯設法修築一不以累民陞雲

南師宗州知州

永平府志

聶因培字能受江西永豐縣人乾隆庚午舉人戊子查賑保  
定全活數萬人三十四年署樂亭知縣懲豪猾聽斷若神冬  
宰靈壽人稱爲陸公復見尋因事鐫二級解組歸士民泣餞

永豐縣志

余昌祖臨湘人乾隆戊子舉人權涿州州判總河蘭第錫器  
重之委辦河工要務克著勞績授樂亭知縣屢決疑獄去任

時祖道數十里不絕

湖南通志

蕭德宣字秉哲湖北漢陽縣人嘉慶十九年進士道光十三

年官臨榆縣知縣政以勸農課士爲要先農壇基址久湮德  
宣亟修之備壇坵肅籩豆扶犁時集老農與語民與官始親  
每行部所至必召鄉之耆老問以首種之入及土物之宜夏  
大旱步禱於角山之龍井雨立沛然書院久廢倡率捐修署  
東建東溟書院課士其中雖案牘勞形每課必親爲講授訓  
諸生以立品爲先所取異等皆方正諸生有涉訟者令至書  
院隨衆作文文不佳而訟又不直者從重戒飭於是士皆以  
訟爲恥而文行益修登科者踵相接十五年調任威縣去之  
日邑人如失慈父母紳耆士商祖帳於西郊者迤邐二十餘  
里歷任東光以清查無虧薦陞任天津海防同知以病告歸

採訪  
冊

徐可先武進進士康熙十五年知河間府時值三藩叛亂兵



馬南征甫蒞任卽備治軍旅使命往來之役歲荒議賑施錢

米棉衣無算陞山東提學副使

河間府志

張璨字豈石湖南舉人雍正二年任河間知府值水災亟請

上官賑卹弗聽尋晉副使銜赴陝西籌辦軍需未行改長蘆

鹽運使入謝繪災民圖以進

上為動色時方議興營田水利晉按察使銜督辦工程

湖南通志

朱光鏌字殿英安徽宣城人以監生從水利營田効力歷陞

順天府北岸同知以忤總河某意左遷與同官謁總督方觀

承議與濟減河事方大驚異委董其事功成乾隆十五年擢

河間府同知自是凡遇險要工卽非所轄亦藉其襄理以積

勞卒官

安徽通志

劉果山東人知河間縣才識敏練康熙八年

駕幸河間問民疾苦父老以果治狀奏

召見褒之

一統志

祀名宦

雍正志

方嶠揚州江都監生乾隆八年知河間縣愛民如子旱災逐戶查賑實惠及民往時城居例不入賑嶠曰此獨非我民乎至諸生中貧老者則以銀米送儒學散給至今頌德勿衰

河間志

府志

鍾翰字屏南江西上猶舉人知河間縣山東民變供應軍需無遺誤水災請賑濟捐廉修隄活命數千人宰藁城詳免水冲沙壓地畝錢糧卒於官

上猶縣志

何蘭馨字菊柏河南息縣人道光乙酉舉人歷知新城青縣等縣為政嚴而不酷明察如神吏胥皆懍懍奉法每聽訟坐堂判決務得其情故刑雖重而無怨調補河間均徭役除富

民派馬之累尤嚴於治賭盜民不敢欺道途遺物無拾取者

重修城北毛精壘葺書院置學田數十頃延師教授復捐修

郡城書院及縣學宮規模皆增鉅人至今思之採訪冊

朱溥字小巖浙江歸安縣人同治三年宰河間清廉寬厚有

訟者多諭之使和命盜重案要犯外一無牽掛舊習兵車秣

草折價病民皆酌減之六年以防河功擢用知府八年卒於

官邑人請入名宦同上

劉徵廉字季頑江西泰和舉人康熙十年知獻縣卻饋贈賑

災黎修邑志惠聲翕如也時編審戶口弊狀多端徵廉核實

無擾民時稱平允獻縣志

喬國棟岐山貢生康熙十六年知獻縣以廉靜慈祥著聞興

校敦教化清訟獄築隄防修橋路邑人頌之同上

程材傳字晉懷湖廣蒲圻進士雍正三年知獻縣歲災發倉  
廩賑濟復出已貲助之一時稱最總督蔡珽大學士朱軾暨  
怡賢親王並以聞於

朝得敘異等邑多積弊材傳次第革之除甲頭甲總總催諸色  
除四一重耗爲加一五因以歸公地當七省衝遇公務舊發  
民車役持票索民錢無數材傳區遠近計日授直闔境翕然  
巨盜和敬越刑部獄數十年不獲材傳親入其穴執之又擒  
李三趙二等盜風以息擢知天津直隸州明晟字恕齋湖廣  
應山進士雍正八年知獻縣嚴賭風捕巨猾釐剔積弊上下

肅然時有前程後明之頌

河間府志

楊文彩正白旗人乾隆二年知獻縣蒞任督築城濬河二大  
役散直均給不假吏役手八年災請賑活民無算

獻縣志

吳龍見字恂士江南武進人乾隆丙辰進士十一年由武強  
移知獻縣龍見敷歷畿輔知無弗爲築武強城建濤川書院  
置義倉葺河間獻王陵而訪其後以奉祀暇則召邑中髦俊  
與之講肄雖處劇地簿書鞅掌冠蓋旁午不廢也秩滿遷刑

部湖廣司主事

亦有生齋集

熊存瀚字夢勃江西鉛山舉人咸豐九年署武清十年暎夷  
犯順存瀚糾合團勇數千人晝夜防禦謀者入城輒捕斬城  
賴以完同治元年宰清河縣時張錫珠未景詩作亂存瀚率  
鄉民萬餘扼要防堵賊屢窺不敢逼四年調補獻縣邑西偏  
林木數十里夙爲盜藪存瀚募練馬勇百人擒要犯誅之道  
路肅然六年旱疫疾作禱於神輒應秋馬賊北竄存瀚募勇  
築城以守七年賊陷饒陽薄縣南城下存瀚身先士卒礮石

交下如雨賊稍卻旋賊以別股假我軍旗幟給入東門力戰  
死之事聞從優議卹奉

旨建立專祠訓導陳成烈其子候選從九陳康祥都司馬寶臣暨家

丁裘槐等七人并准附祀

採訪冊

王焯字仲弢陝西三原人康熙庚戌進士二十一年知阜城

縣先是刑司吏某為盜主持欺隱上官阜境遂為盜藪焯下

車卽燭其奸立捕之置諸法

阜城縣志

縣地雜旗屯民多影射首

行均稅法俾民無匿田田無匿稅更立征輸十限民無逋賦

境內帖然

陝西通志

李華國山東高密舉人康熙四十九年知阜城縣為人子諒

易直淡泊自奉無異寒素立滾單法民無催科之擾尤喜獎

進士類諸生貧者歲給膏火士民德之

阜城縣志

陸福宜江南泰興縣監生雍正十一年知阜城縣革除一切浮費捐貲建廨宇修理學宮締造關帝廟增葺監房一絲不以累民公餘纂修邑志尤爲當世所推重

同上

楊嗣奇字偉畧廣西人雍正十三年舉人十八年知阜城縣建義倉手立條教與民約事無繁苛案牘立爲剖決嘗曰民吾子也不能以禮德化而使無訟訟又不卽理致羈候廢本業豈爲人父母所忍爲且小怨不理大釁必生保無自累乎

所著有公暇錄詩一卷

廣西通志

童銘彝揚州江都人官阜城縣典史才優守潔施棺木理水

防捐貲修學人咸思之

阜城縣志

胡雲鵬遼東人順治三年知肅甯縣值鼎革初村落亂民不靖雲鵬開誠招撫賴以安戢尋擢易州知州民立生祠祀之

肅甯  
縣志

黃世發貴州舉人康熙□□年知肅甯縣性慈良質實視民如家人除雜派修學校繕城垣坑疠荒地訓民穿井耕種沿城植桑柳數萬株凡水車蠶箔糞灌紡績諸務纖悉皆籌計之復建置社學贖近城官地九十餘畝以其租爲生童膏火資受學者踵至雍正元年

特旨賜四品職五年加按察使司兼直隸營田觀察使修隄墾田所

在變低窪爲沃壤以勞卒遠近聞之莫不流涕

同上

歐陽維藩江西新建舉人雍正三年知肅甯縣聽斷明決潔已愛民絕苞苴除莠稂城垣學宮倉庫廟宇俱加意修葺不以累民民至今稱頌

河間府志

周傳昌字漢光江西南豐人十二年知肅甯縣邑屢罹水旱



災下車卽請賑散給民便之又捐廉修學宮士氣丕振庚申

大旱步禱中暍卒

南豐  
邑志

徐涓遼東人順治二年知任邱縣慕節好義重道崇儒拯難

恤殘士民安堵累官岢嵐道以殉難增光祿寺卿祀名宦

河間

府志

劉日光字浴甫絳州舉人康熙十一年知任邱縣爲人外和

中毅剔奸蠹招流亡建趙北口七橋役不繁而工集有禱雨

滅火之績邑人頌之

錢孫振歸安進士雍正十一年知任邱縣爲政嚴明堅確人

無敢犯有巨盜殺人亡命孫振懸重賞購之置於法邑有故

吏橫暴鄉里衆苦之孫振直縛取論罪里中帖然又均賦役

清戶口數十年吏胥積蠹爲之一空暇則緝學宮與諸生講

論文業邑稱大治後擢薊州知州告歸道任邱士民爭留之

數日乃得行俱同上

劉統字漢良武威拔貢乾隆二十五年知任邱縣綜覈名實

裁減浮冒吏胥不能為奸重理桂巖書院延師徒給膏火詳

立條規著文勒石以垂永久重修邑志公餘親加校勘發潛

闡幽稱完書焉任邱縣志

班連錦州貢士順治四年知交河縣時河東賊寇猖獗連捍

禦有法士民安堵行擢御史邑建生祠祀之河間府志

牆鼎四川人康熙十年知交河縣勤於政事巨細必親公餘

手撰邑志為當時推重一統志

嚴曾業浙江人康熙中知交河縣捐貲繕黌序建義學延通

儒為師多所成就行保甲禁賭博逐娼妓境內肅然一統志有

宦僕宿店詐稱失事誣店主曾業廉其實詳置之法邑人稱

快祀名宦

雍正志

孔慶銓字鞠農山東曲阜人道光丁未進士咸豐元年令交河政平訟理有廉幹譽三年秋粵匪李開方等陷深州慶銓發急遞請兵令歲貢李澄瀛等練勇六百人防西河之小範橋手書敦勉示以方畧時賊氛逼近慶銓勸母徐氏暫避民間臨歧戒之曰畿甸擾攘時事不可知脫有不虞幸勿忘孔姓爲祖宗羞涕泣受命賊旋由武強之滏陽河繞隄北走陷獻縣慶銓以賊北竄調練勇回守亭津賊突於九月二十三

日折南而馳趨縣城時值市期狀勇赴市購物猝不能集賊乘虛而入捽毀牢戶胥役僮僕皆星散慶銓知事不可爲整衣冠坐堂上哆口罵賊子繁渥獨依左右叱之不去惟齧指

嗚咽血淋淋不止慶銓罵聲愈厲賊以刀擬之繁渥伏背護  
父遂並及於難賊憾其強直去時積薪以火藥焚之徐母泣  
曰吾兒不負所命得死所矣事

聞淮建專祠

王蘭廣撰傳

陳大經字筠操江蘇無錫人康熙時由監生授甯津縣知縣  
門無閹人投訟牒者入燕寢訴其情被訟者亦然曲直立剖  
催科不用鞭撲亦無逋者農時民告貸於官應之秋償不責  
息病者予之藥鮮不效會有大役隣邑部送役夫千人至縣  
期尚緩餼糧已竭大經遣還約某日至及期畢集

江南通志

周命育字貽來湖南人雍正丁未進士知甯津縣減浮糧裁

陋規水災請賑濟全活甚衆

湖南通志

曹瑾字懷璞河南河內人嘉慶丁卯舉人道光四年署甯津

知縣聽斷明決有盜卽率吏親勦匪徒皆斂迹去民有孤貧無依者隨時周給冬則設粥廠賑濟之同治十年請祀名宦

採訪冊

董瀾浙江鄞縣人嘉慶己巳進士道光五年署甯津縣勤政愛民入鄉皆裹糧自隨不擾民吏胥懍懍冬則設棉衣錢米以恤窮乏訓士以敦行立品爲先創建魁星閣文昌宮登科者踵相接去官人咸思之

同上

查宗仁字小峰安徽銅陵縣廩生初官部曹後改捐直隸知縣光緒年間直隸大旱後無牛可耕宗仁創牛捐之議稟商大吏及察哈爾都統遂帶同通事出口周歷牧羣地面竭誠勸導蒙民感其誠集捐耕牛三千數百隻押解進口及時分給貧農應用實屬創舉後以查辦張獨多三廳各旗官荒馬

厥地畝以宗仁曾在察哈爾勸辦牛捐熟悉蒙民情形派與  
斯役凡勘丈地畝議租升科催交押荒諸事必躬必親備極  
勞苦時值吉林需員奏調差遣大吏以宗仁誠篤耐勞盡心  
民事仍將宗仁奏留直隸六年秋權甯津縣篆勤政愛民案  
無留牘興利除弊深洽民心以勞疾卒於官士民立碑頌之

採訪冊

張一魁遼東廣甯人康熙十年自河東都轉運使左遷知景  
州編審均役釐剔奸弊無偏枯患葺學舍修州志無事輒單  
騎徧歷鄉野殷殷勸課如家人民愛之如慈父母

景州志

周鉞字秉節江蘇長洲貢生康熙四十二年知景州癸未河  
決濬惠民渠水患息時山左流民載道鉞設粥廠數處全活  
數萬人學宮東北隅舊有董子祠宇湫隘且圯鉞移建之築

室四十餘楹爲廣川書院召州人士講肄其間時州縣徵收糧銀多以錢代弊竇叢生鉞一例徵銀民便之爲建生祠以祀

王安仁江蘇崑山人雍正四年知景州州舊有寄莊田納糧逾惟正之半得免徭役時運河淺夫爲景畏途民多借名寄莊加征至一千四百有奇盡入官橐又完糧火耗銀紳衿加一民口加二復借奏銷爲名按畝加派民益困敝安仁至悉詳革之鑄石以垂永久邑人如釋重負

俱同上

杜于藩字碩夫揚州江都貢生康熙中宰吳橋歲荒請賑躬至鄉間察戶口無濫無遺縣有掠賣人女殺其父母於道者日久未獲一日有買婢持券來稅呼婢前視纔七八歲而裹襦頗長問誰襦曰母衣母安在曰與父俱死矣然則誰賣汝

日叔叔何名日不知日殺人者必詭稱叔者也既而果然有盜案捕七人至察唯一人爲真盜餘皆釋之民稱神明在官

十三年以績最擢永定河同知士民立祠以祀

河間府志

王書升字秀菴四川人康熙癸巳舉人知吳橋縣值歲大旱禱雨立應立義學有廉能稱時旁邑東光甯津景州被水災奉委查辦賑恤有方會上官欲於境內開河分殺水勢士民泣請以爲未便卽自具文力陳其害曰吾官可去河不可開也議遂寢究以此獲咎被議宦橐蕭然

四川通志

鄭永春遼東貢士順治六年知東光縣值土寇猖獗

大兵來勦永春力護良民全活甚衆

河間府志

王九鼎陝西三原進士康熙九年知東光縣捐俸修學築濬

濠牆政簡刑清吏民不擾陞吏部主政

東光縣志



孫震浙江餘姚舉人康熙十七年知東光縣清查保甲嚴緝盜賊釐剔一切弊政修南城樓築學山園在任三年致仕士民思之不忘祀名宦同上

白為璣字子儀奉天鐵嶺人康熙二十八年知東光縣輯縣志修

文廟設學置田貧者設衣粥給之同上遷通永道副使祀名宦永平

府志

李允禎字貞甫山東德州人明崇禎癸酉舉人順治元年知

故城縣故城額丁二萬餘兵燹後死徙者過半歲征猶如故

民大困允禎編審已有緒矣適改官將去乃大集父老取故

冊焚之曰毋為若曹異日累也因鎖書吏密室中晝夜開除

以新冊申上官竟得請其困始蘇堯峯文鈔

蔡維儀鑲白旗監生康熙五十八年知故城縣六十一年奉  
委甘肅軍前雍正元年回任因民戶糧耗浮於紳奉文一例  
交封革除催頭細寫順莊滾單令自行投匱解費撥馬悉歸  
官自辦并除里地津貼及匠作應官屠戶承值等款民爭頌

之

採訪冊

朱晉麟字玉書江西高安人嘉慶四年知故城縣下車革除  
官市減價一切陋規廉潔自矢不名一錢

高安縣志

翟萼雲嘉慶十三年知故城縣捐濬渠田有翟佛之稱祈雨  
東郊用演繁露遺法宿壇七日夜雨足乃返去之日百姓男

女皆攀轅泣送

採訪冊

張學權江蘇江甯人道光甲辰舉人同治二年知故城縣邑  
地丁錢糧歲徵銀萬七千餘學權令民自封投櫃易錢以銀

人皆稱便時髮逆不靖學權築河牆巖城守晝夜防堵民賴以安軍興後民困敝甚一切差徭悉豁免之聽訟如家人父子未嘗輕扑一人委曲勸諭至有感而泣者八年升大名府

同知

同上